

廣德州志卷十

營建志 學校四

學校 四

舊復初書院明嘉靖初判官鄒守益所建者即以尊經閣

為之萬厯間禁立書院遂廢 詳見尊經閣 李志歲貢生李邇

泰於青雲樓側新建書院 案邇泰貢於康熙四十九年則所建書院係康熙年間事

迎鄒東廓及從學九人並邇泰父李怡璿木主共祀之

案東廓木主稱迎祀當係學中鄒祠圯而迎祀於此者至李怡璿何以附祀亦未言其故考楊志稱李徵儀建

二楹於鄒祠後或係李氏世奉鄒東廓邇泰輒以其父從祀與 雍正五年改為節孝祠

廣德州志

卷十

學校

一

移木主於斗南書院 斗南書院另詳後 乾隆四年李德洋同族

眾復建復初書院於斗南書院側房屋六間 案今屋與

主俱無存

復初書院在 文廟西本前明學正署基也地名西衙基

見康熙年魚鱗冊 康熙四年移署於 文廟東六年以舊署樓

房為四先生祠三十年後又以餘地建祠祀知州毛渾

雍正間四先生祠圯別建於尊經閣左乾隆二十年間

毛公祠圯移主於學此地遂為蔬圃四十七年知州石

應璋從輿議以正誼書院近市湫隘因於此創建書院

仍榜其門曰復初儀門內講堂五楹顏曰明善堂即東

廓先生所題尊經閣下之舊名也其東為文昌宮三

楹中奉文昌左祀鄒東廓自普濟菴移明善堂後為

山長退息之所前有池乾隆五十七年設修志局於此

總纂周廣業植蓮其中開花甚盛因名之曰愛蓮其西

北兩傍餘地舊為鄰人佔去郡紳呈請清理學正王其

福訓導吳景濂詳請知州胡文銓勘丈斷復地址壹畝

伍分餘西北更築垣墉而基址始正以上胡志道光十五年

二十四年重修並修理明善堂文昌宮聚諸生肄業裕志

廣德州志

卷十

學校

魚鱗册在城都一晷天字壹百柒拾柒號西衙基東至

聖殿南至殿街西至許牆北至尊經閣長伍拾捌弓壹尺

橫參拾叁弓積壹千玖百貳拾

弓陸尺計地捌畝貳毫伍絲

國朝石應璋重建復初書院志序前明嘉靖中豫章鄒文

莊公謫判廣德初復初書院維時多士奮興彬彬稱盛

會神廟飭禁而書院遂廢我

朝右文重道屢

詔郡縣各立書院康熙五年郡人建茅茹書院於明倫堂

東不旋廢雍正八年甯郡司馬徐公來署州事於范

祠傍建正誼書院規模未備嗣長白恒公增建學舍然

亦未籌經費於乾隆丁酉承乏茲土因集紳士圖經

久之規捐廉以倡邦人亦踴躍輸於是山長脩膳諸

生膏火不至匱乏然終嫌學舍湫隘歲壬寅紳士以經

費稍裕請別建書院於文廟西因前所輸者若曰

緡鳩工庀材經始於癸卯二月越三月而落成仍名曰

復初俾誦習於斯者顧名思

義不忘文莊習於斯者顧名思

書目

十三經註疏一百二十本	經義考四十八本
衍義補纂要五本	朱註發明十本
陸大全二十四本	困勉錄十六本
十七史一百八十六本	明史七十二本
通志畧二十本	漢魏叢書六十四本
唐宋叢書二十四本	奏議六十四本
經濟類編五十本	朱子遺書十本
楚詞燈一本	文苑英華一百一本

廣德州志

卷十

學校

三

宏簡錄六十本	東漢文鑑四本
西漢文鑑四本	唐文粹二十本
宋文鑑六本	元文類十四本
金石錄六本	宋百家詩存十本
宋詩鈔二十本	元詩選三十二本
明詩綜二十四本	韻學大成四本
文範四十二本	文待二十六本
文定二十本	文閑三十本
文在二十本	

以上書三十三種生員濮陽恕愿慤慰憲愚捐助

文昌通紀二本 關帝事蹟徵信編六本

以上書二種掌教周廣業捐存

萬曆志四本 生員楊浹捐存 續萬曆志四本 志局購存

楊志六本 生員劉喆捐存 門志六本

李志八本

正誼書院在州治東南狀元坊范公祠之東其址本前明南察院基也雍正八年署知州徐敦蕃創建為屋三層俱東向顏其堂曰匯秀門題正誼書院按月課試士子

廣德州志

卷十

學校

四

於此 李志失載 乾隆三十九年知州恒豫以門前尚多隙地

移建門於外更於匯秀堂前增建講堂三楹并左右舍房十六間以為鼓篋之地自四十七年興建復初書院之後此院遂為寅賓之所矣 以上胡志 道光二年知州景文

以丁家衞義學廢地變價重修正誼書院為公廨五年知州張文鳳修州志疏秀水俱設局於此 裕志

斗南書院在青雲樓南屋三楹舊門南向今改右傍西向

楊門志俱未載李志附見復初書院下亦未詳建於何

年

翼興書亭在斗南書院西屋三楹西向門標翼興書亭四字前志未載興建無考中奉訓導慎菴張公署學正清須張公二神牌失其名有田道士收租詳後每歲四月初致祭其中上有西銘講席匾當係兩張公課士之所也茅茹書院楊志明倫堂東康熙五年士民公建學正荆振日撰記案今爲訓導署見前

社學萬厯志東社學在州治東舊與城隍廟對宏治十五年知州范昌齡遷建於廟左案萬厯職官志中載范昌齡十七年任而此云十五年

年當有誤西社學在州治西杜橋右案康熙魚鱗冊黃字二百六十號社學基丈地

廣德州志

卷十

學校

五

七分長二十弓橫八弓二尺積一百六十八弓南社學東官溝西陳牆南官街北孫地土名圓通閣

在南門內距門三十步許北社學在州治北斗門橋左

案土名沈家衙地四分四厘見魚鱗冊四學俱成化四年知州陸鳳建宏

治中知州楊樸同知楊慶重建案楊樸任在范昌齡前楊慶任在宏治末官不

同時當係前後繼修正德十二年知州周時望嘉靖七年判官鄒

守益各加修葺萬厯間知州吳同春段猷顯相繼葺而

新之楊志俱久廢康熙四年知州楊苞建新義學於東

社學故址延塾師其中願受業者入焉案未幾亦廢其

址尙在城隍廟左北社學基門外猶有磚刻北社學字

楊苞重建義學示金必就治而成器玉必待琢而成章人必從學而知義桐之子弟實多俊秀但家無擔石負笈維艱遂致有用之材甘自暴棄良為可惜今本州設立義學於城東延以塾師一切脩膳之資悉為捐給聽受業者詣館讀書無負宏獎人倫之至意為此示仰槩州士庶人等知悉凡子弟奮進無門及父兄貧乏無力者俱速赴義學俾朝夕訓誨以資成材各宜勉旃毋得自誤

以上胡志參裕志各書院俱廢書籍亦亡失

義學 舊有東西南北四社學後俱廢前見乾隆五十九年

知州瞿兆麟創設義學捐貲買丁家衙屋修理延師課蒙後廢道光二年以基地變價為修正誼書院經費裕志

同治六年廣德州勸農局涇縣拔貢朱禮元稟請 江

廣德州志

卷十

學校

六

督曾憲批准以所發牛種銀兩期滿後飭交本地紳董吳建中呂佑昌葛廷瑞設立義學議定章程置買息產為經久永遠之計詳見表疏章程附後

一擬本年所收銀兩先於州城內購買市房數處約計每年所收租金為義學延師之費量入為出以期久遠  
一擬城內設立義學兩堂四鄉設立義學四堂俾各處小子就近入學每堂修金不過四十金六堂約計二百四十金所收房租已可敷用俟戊巳兩年收繳牛種銀兩四鄉再行添設

一擬設立義學只准貧乏子弟赴館肄業其力能延師者仍宜勸其各自請師不得混入

一近年入學諸生雖蒙

宗師錄取不過循例補額闔州三十餘名文理清通者甚屬寥寥擬每月散課兩次卽送本州學師閱看分別甲乙酌給彩錢以示獎勵

新置義學息產

附

一坐落東城內仁德坊坐南朝北樓屋兩間後進平房兩間東鮑家衙西義學南張姓園北大街於同治六年

廣德州志

卷十

學校

七

十月價買業主陳坤福基址建造

一坐落東城內仁德坊坐南朝北樓屋兩間中進平房兩間後進空地壹塊小屋貳間東西義學屋南張姓園北大街於同治六年十月價買業主陳坤福基址建造

一坐落東城內仁德坊坐南朝北樓屋叁間中進平房叁間兩廂後進空基壹塊并小屋叁間東義學屋西張姓屋南張姓基北大街於同治六年十月價買業主戈星卿基址建造

一坐落東城仁德坊內坐南朝北樓屋叁間中進平房

參間兩廂後有餘基貳進以陳姓墻圈爲界東孫致和屋西陳姓屋南陳姓墻北大街於同治六年十月價買業主東泰基址建造

一坐落州東狀元坊內坐南朝北樓房貳間後進平屋參間兩廂東董姓屋西陳姓屋南典墻北大街東南角葛姓墻於同治六年十月價買業主沈敘九基址建造東邊後進墻外屋基壹間現租與董姓造屋每年收地租錢貳千文東葛姓基西義學屋南典墻北董姓店基連界

一坐落州東狀元坊內坐南朝北樓屋兩間後進平房兩間壹廂東葛姓屋西義學屋南典基北大街於同治六年十月價買業主戈星卿基址建造屋內東邊有典基一路每年出地租錢捌百文

一坐落州東狀元坊坐南朝北樓屋兩間後進平屋兩間壹廂東義學屋西張姓屋南伏姓基北大街於同治六年十月價買業主沈敘九基址建造

一坐落州東狀元坊坐北朝南樓屋兩間兩進壹廂東王葛屋西張姓屋南大街北官基於同治十一年四月

價買業主呂汝棠業

一坐落州西忠節坊內坐南朝北樓房兩間後進平房  
兩間東同盛屋西董姓屋南董葛屋北大街於同治六  
年十月價買業主戈星卿基址建造

一坐落州西忠節坊內坐南朝北樓房肆間中進平房  
伍間後進墻圈一箇東陳家衙西溫姓屋南空基北大  
街於同治六年十月價買業主戈星卿基址建造

一坐落州西忠節坊內坐北朝南平房參間中進樓屋  
參間後進空基壹塊東蔣姓屋西濮陽屋南大街北空

基於同治六年十月價買業主沈敘九業

以上新纂

學田 祠田書院田附

學田 李志 學道項下田參百肆拾捌畝柒分柒釐伍毫 案坐

落長岡舖 原額租穀貳萬伍千貳百貳拾貳觔半每年舊例

折租穀銀陸拾參兩伍分陸釐陸毫內除納各項糧銀外餘銀解赴學道

案 萬厯志載學院項下田參百伍拾畝柒分柒釐原租貳萬伍千捌百玖拾陸觔楊門志田少貳畝租少伍百餘觔李志因之今學中所收又減李志之數而完納糧銀之外每年餘銀解藩庫兌收亦非徑解學

廣德州志

卷十

學校

十

院矣

學山 李志 東鄉長岡舖學莊山其拾號計肆百肆拾肆畝肆分玖厘柒毫給各佃戶取柴無租 南鄉一團安都四畮長厯山參百陸拾畝一木東都分水嶺山拾畝一木東都一畮遺子冲山貳拾肆畝一大塘冲山拾畝一七里岡許冲保山柒拾畝一木東都二畮丹井山伍畝一道和冲葉佛保山伍拾壹畝一錢村保山柒拾貳畝伍分一楓林冲山拾伍畝一大塘冲山拾伍畝貳分一胖牛塢山貳拾畝一七家冲山拾伍畝一稻禾冲山拾

壹畝陸分一四茅冲山叁拾陸畝一四十都三畝柴山  
二號共玖畝壹分一團安都二畝山貳拾畝一青坦都  
一畝竹山六號共拾柒畝壹分 西鄉一木西都百家  
灣山二號共計拾玖畝一杜塢冲山三號共計伍拾玖  
畝一木西都二畝山肆畝一黃栗山山柒畝一十六都  
茅道菴山叁拾畝一旌孝都廣陵冲山陸拾肆畝 北  
鄉一湖南四都一畝山叁拾肆畝零壹分湖南六都山  
陸拾叁畝

**案**萬厯志稱舊志云本州儒學原有欽賜田山惟山

厯歲久爲民家侵業者過半師生相代不一鮮有注  
意而復之者今備記其數以冀畱心學校者據而復  
之一號叁拾畝一號叁畝一號貳拾畝俱在湖南六  
都石子岡一號貳畝玖厘在湖南六都施村保一號  
叁拾畝在十六都茅稻菴一號叁百陸拾畝在團安  
都長厯山一號貳拾畝在木東都七里岡一號貳拾  
畝在木東都稻禾冲貳百柒拾 號拾伍畝貳百陸  
拾玖號拾伍畝貳百玖拾伍號拾畝貳百玖拾陸號  
肆畝貳百玖拾柒號壹畝叁分叁厘叁毫叁百貳號

肆畝參百參拾參號貳拾畝參百肆拾捌號拾伍畝  
參百伍拾壹號參拾畝肆百貳拾柒號拾畝肆百參  
拾捌號參畝肆百參拾玖號計地壹畝肆百肆拾號  
拾玖畝俱在木東都茶山貳拾畝在唐上都租茶壹  
百貳拾觔此後有脫簡故未竟其數今李志所列一  
仍楊門志與萬厯志雖稍有異同而計其山尚有千  
餘畝之多在萬厯時已云民家侵業豈越至於今而  
反釐然具足耶現在學中所收十不得一有名無實  
然載在魚鱗冊者仍不減千畝是康熙間丈量時其

數均曾核實特百餘年來又復失業耳今據李志開  
載以存其舊云又案楊志載湖忠都田參拾伍畝零  
明知州何鳳起段猷顯置每年租穀貳千觔內除納  
糧外一半給發禮生一半爲學宮排蓋之用門李今  
田現存坐落水東橋地方每年學中收租一半完納  
錢糧其半給禮生如故

四先生祠田楊志學正沈儀買田參畝坐團安都姚儀等

佃取租供祀

門李  
志同

案今田存儒學坐落石香爐邊

鄒東廓祠田楊志張榜助田參畝坐南門外李天植助田

捌畝坐文昌閣邊知州段猷顯助田肆畝坐南郭大路甯國通判戴子孝署州事助田壹畝伍分坐倉基同知張士化助田貳畝坐北門外祀復初書院其田舊寄李肖戶遞年取租納糧外買豕一充祭胙送州學門李  
案今田僅有捌畝詳壇廟段公祠條下志同

存忠亭田楊志學正李日滋買地租銀叁錢備取銀杏時小祭門李  
志同案今地無考

文昌祠田楊志共玖拾壹畝壹分肆厘地柒畝柒分柒厘柒毫山貳拾陸畝共折租銀拾肆兩玖錢陸分每年取

廣德州志

卷十

學校

十三

租納糧外春秋辦祭散胙門李  
志同案舊志不載坐落今田山俱無考

九烈祠田楊志田玖畝貳分柒厘每年取租納糧外餘春秋辦祭李志今祠圯田歸文昌閣見後

六賢祠田楊志田陸畝捌分伍厘每年取租納糧外餘春秋辦祭李志今祠圯田歸文昌閣見後

閔公祠田楊志田肆拾壹畝零原在濮陽允戶內當差順治十四年耆民孫允昌控知州秦確批撥儒學經管每年取租納糧外餘春秋辦祭給胙案今田存儒學坐落

雙孝都一畝荷花塘祠在州治東關帝廟中春秋致祭

如故 互詳  
壇廟

**案**舊志此下載崔公祠田今查田係耆民經管故移

載壇廟

青雲樓田**楊志**生員盧琦名趙先簡濮陽至鄭啟宸陳懋

進包元翻濮陽遇旨雲銓周稷雲旭戈啟鍾李怡璠楊

永年葛怡洪謹共置田壹拾畝每年收租完糧外以為

會課之資**李志**乾隆四年知州李國相清查存田捌畝

柒厘捌絲新墾河田肆拾壹畝陸分貳厘貳毫叁絲**案**

廣德州志

卷十

學校

十四

今河田青雲樓道士卜願華管業其李公所查之田今

已無存

文昌閣 即三  
台閣

田**楊志**明甯瑞鯉助南門外田叁畝學正李

日滋買洪一聘原豐都田伍畝供祭帝君**李志**乾隆四

年知州李國相清查原田無存舊九烈六賢二祠俱圮

木主移閣中田亦併歸焉共拾陸畝壹分貳厘**案**今閣

久圮田歸青雲樓後被道士賣去乾隆二十年卜願華

贖回僅存田拾壹畝貳分

坐落小東門外餓殺圩捌  
畝柒分葛家冲叁畝叁分每

年收租完賦外餘辦九烈六賢祠春秋二祭

翼興書亭田案慎菴張公有田肆畝捌分坐小東門外高堤上青雲

樓道士卜願華收租納糧辦祭清須張公有田伍畝捌

分坐揚令圩祠山殿道士宗自通耕種納糧辦祭

舊復初書院田楊志明嘉靖初判官鄒守益置膳田三百餘畝供四方來學資諸生紙筆燈油婚喪及修書院用二十年督學馮天馭檄判官王杏覈之萬曆十年禁書院田俱鬻於民間十二年知州陸長庚捐俸贖還學田後歸督學項下

案楊志稱歸督學項下猶前明事也今學中有康熙

廣德州志

卷十

學校

十五

間舊冊不及百畝而尚有久經失業者稽之魚鱗冊在城都頗多孔復初田詢之學中並未管業是其失在康熙以後矣失之前明者固不可追卽失之近今者亦豈易言復乎又案李志稱乾隆四年李德洋同族眾復建復初書院贖原田壹拾捌畝以供春秋祭祀據云原田又云供祭當卽指鄒東廓祠田也今止存捌畝已詳壇廟

茅茹書院田楊志康熙六年楊公捐俸置田壹拾玖畝參分遞年取租完賦外以爲書院修葺之費又生員鄭啟

宸濮陽至趙先簡陳霖雲銓周稷盧琦名包元翮陳懋  
進雲旭楊永年濮陽遇峇丁儀淳戈麟長施乘龍戈襄  
等置田壹拾陸畝坐落西門外玉溪關每年收租完糧  
外以爲書院會課之費李<sub>志</sub>楊公田盡鬻他人續置肆  
號田拾柒畝坐落東門外汪村圩沈士福趙伯達王錫  
纓等經管其諸生田拾陸畝皆各家後人經管又小注  
云以上兩項田今並寄儒學完糧

**案**此二項田今俱自立楊公祠戶辦糧殊失置田本  
意諸生後人尙知在青雲樓致祭楊公其沈趙王三

姓所管田竟忘所自來矣

復初書院田乾隆三十九年知州恒豫勸捐田貳拾壹畝  
四十年知州趙滂勸捐田伍拾柒畝玖分四十二年知  
州石應璋勸捐田伍拾玖畝陸分五十年知州穆通阿  
勸捐田拾貳畝壹分以上共田壹百陸拾畝零陸分共  
收租穀壹百貳拾壹石內拾玖畝伍分乾隆五十五十  
一等年暫抵與俞丁等姓未歸  
其歷年捐助典田共拾肆畝零每年租穀拾  
石餘係活產聽贖日後收價存公不在此數又知州趙

滂勸募朱灣埠地貳號計貳畝壹分租錢貳拾壹千文  
又知州石應璋清理東西兩察院廢址歸入書院定取

東察院地租錢拾貳千文西察院地租錢肆千陸百肆拾文四十九年東察院基蓋造市房開成新街計樓房貳拾貳間平房伍拾間每年共收租錢參百餘千又東城外迎春坊續置平房兩進共陸間每年收租錢拾貳千五十六年知州胡文銓准將西察院基租造典鋪每年收租錢貳拾千遞年除納糧銀外充延請山長及諸生膏火與修葺書院之用

賑貧田[李]志按院曹公陳公宋公田公四院賑貧田陸拾肆畝柒分雍正十一年奉文歸州經理知州詹宜倫按

廣德州志

卷十

學校

十七

畝清查除築埂蔭護學宮拋荒各田外實存田肆拾陸畝捌分壹厘每年收租參拾石參斗貳升內除陸石玖斗肆升柒合完糧其餘詳請賑給貧生

以上胡志[案]舊置學田及祠田書院田經兵燹後俱荒廢同治十年知州李辦理墾務盡行變賣充公

新置復初書院田陸拾肆畝零肆釐柒毫坐落北鄉新塘

堡係無主公田光緒元年撥歸書院管業

新纂

建平縣儒學

建平縣儒學在縣治東南縣志舊在縣東門外河隄北岸

南畿志宋建燬于兵紹興間郡守洪興祖重建萬厯志

圯於水楊志清熙二年縣尉趙善興又建慶元間知縣

葛採以其湫隘將新之僅建大成殿而去寶慶改元知

縣章一壁建明倫堂泐齋舍增學田案王遂贍學圩田記稱紹定間章君

始建考寶慶三年改元紹定當逮元至元大德間學燬

係落成於紹定間也記見藝文萬厯志明洪武中縣志洪武二十九年明知縣宋禮重

建中 文廟左右為兩廡前戟門門之左右為名宦鄉

廣德州志

卷十

學校

十八

賢祠又前為櫺星門 文廟後為明倫堂又後為射圃

堂左為會饌堂進德齋右為祭器庫修業齋後為號房

楊志正統十年知縣李觀重修宏治辛酉水漲堤決學

遂大廢正德十一年署縣判官況照重修案宗璽撰記附後 嘉

靖辛酉廟宮圯知縣林應彩遷於縣東南半里許案建

稿稱本趙氏祖塋地遷墓改學事載趙氏譜中 規制未備州守鍾振知縣高常

嗣葺之案鍾高俱隆慶末年任則修在萬厯初也曹大章撰記見藝文 萬厯丙戌知縣

潘桂重修萬厯二十六年知縣朱之楫復建原所不數

歲水溢垣圯萬厯甲寅知州張嗣誠知縣向萼輝仍遷

於內從形家言少改前向卽今學也天啟甲子教諭鄧

京捐金建櫺星門啟聖諸祠文昌閣魁星樓聚奎書院

觀瀾亭東西兩齋基址俱丈量勒石

記附後

明宗璽重修儒學記建平儒學瀕於溪之北厓東西築  
土為堤邑之居民皆仰流而處廣德一州之水悉由是  
行以注於江堤固則學完堤決則學圯往德戊辰己巳  
辛酉歲水暴堤決學圯甲子復決益圯正德戊辰己巳  
庚午間連歲決遂大圯日就荒廢逢時多事人心未暇  
顧此者凡十五年或以為言則曰力未暇且事未樂  
從也歲之乙亥縣缺陞尹節正左遷為今官能不以得  
進士由大理評事歷陞右寺正左遷為今官能不以得  
失介於心既至動以禮法故凡令下民勸趨之是歲也  
監察御史張公實奉敕來督畿內諸郡學嘗趨令郡縣  
修學政無或怠弛教諭黎君貫訓導施君紀丁君以學  
與謀曰君之為政勤民若此非所謂良有司耶乃以學

廣德州志

卷十

學校

十九

之荒廢狀上於當道請君專董事君曰照知所以處此  
矣乃折簡召諸大姓潘桓宗時等皆以貲來惟令之從  
時郡守周公時望行縣因加勸諭焉始於是歲之冬  
先大成殿次東西廡次戟門學明倫堂會饌堂以木  
講誦之所棲息之房皆加葺治櫺星門科第坊舊用木  
腐爛今各易以石尊經閣致齋所宰牲所儀門射圃  
庫鄉賢名宦祠舊闕今咸備其制其成也積屋凡二  
十區其數總一百一十間用人之力積一十二萬五千  
八百工良材堅斲之凡高二十五萬七千七百有奇  
子歲仲秋之月落成新尹高君奎適至教護益力遂不  
愆於初璽濫官西江今茲蒙恩俾得待罪西廣過故鄉  
謁於學門喜其嚴嚴翼翼壯偉麗有非曠昔荒涼之  
狀周視而樂道者再三然後去次月使刻諸石以爲良  
請曰先生不可無記遂為記其歲月使刻諸石以爲良  
有司復有鄧京儒學清界記郎庠不恒厥居有東闈內  
之學復有東闈外之舊學闈內之學今儒學也於縣治  
位東南面河負街大街之水南北分流正繇於西望寺  
學基脉脊也學北之東望傘巷口大街學北之西望寺

巷口大街而皆未達於街所謂橫龍宜貼脊者此也其  
四界東之北起舊官井小巷尾折而東折而南又折而  
東厯小巷至公館西牆頭再折而南厯公館之西折而  
東厯公館南新牆至王姓樓折而南厯王姓樓南巷又  
星樓基楊與沈之樓皆東折而東厯沈姓廟南巷口  
折而南至河岸踏埠界也南之東起南巷口河岸計  
厯洋池之南龍頭石直抵倉巷口河岸厯聚奎書院之  
六十五弓西之南起倉巷口河岸厯聚奎書院之西折  
而東厯錢姓門前至文昌閣折而北厯史姓歸路及史  
樓牆之東折而西厯史姓樓牆後至倉巷大街折而北  
厯倉巷大街至史店側牆皆西界也北之西起史店側  
牆厯民居後牆至後池至官井為學基北界計四十一弓  
居三尺後厯門前洋池至河岸龍頭石二弓三合  
弓三後厯門前洋池至河岸龍頭石二弓三合  
得八十一弓一尺此縱數也由南巷轉入魁星樓至洋  
北衡衢之東二尺二弓又至洋北衡衢之西二十五弓  
三尺又厯文昌閣抵倉巷口二十六弓統為灣衢共七  
十三弓三尺此衡數也若夫廟堂居中撐之蓋之塗聖

廣德州志

卷十

學校

之毋俚腥穢干之水火邇之以妥先聖先賢先儒靈而  
博士弟子員亦施及于麻蔭中央之表區而成八正北  
為後屏則新築東西土牆規地一方為將來尊閣前  
丹墀址東北啟聖祠則重修兼以新創西北空地則召  
門役造住歲課其地租以備廟廡諸祀樓門小修之費  
正東為東齋署正西為新建長齋與西齋署正南為前  
唇則補隄填闕以正之甃衢開洋以萃之東南為天門  
則易民居請官地以拓之甃衢魁星樓以表之西南為地  
戶則鼎建文昌閣觀瀾亭以鎮之諸彥之西南為地  
書院以翼之歲植楊柳諸樹以蔽之芾之此為郎庠聚奎  
區八表也

國朝貢震重修縣學記建平學宮自宋元以來在縣東門

之外里許址瀕於溪數有水敗明嘉靖間林令應彩度  
地南門內得趙氏祖塋於清河坊形家以為吉乃以南  
鄉管家園地易諸趙氏俾遷其壠而為學基高令常  
嗣營之萬厯中向令萼輝復加修飭已而廟殿漸傾毀  
崇禎十年何宏仁更修之需銀二千餘兩邑從孫象  
典獨任其費又捐入學田五十畝順治初大典從孫象

朝先復捐貲修葺我朝文教聿興百餘年來兩江人文甲天下而建平稍不逮焉乾隆九年長洲韓君履曾來爲令謀欲鼎新文廟以振起士風紳衿耆民忻然捐貲得銀三千六百餘兩經始於十一年春三月至秋而韓君調任石埭白君福繼之於又繼之閱七年而工始竣殿宇崇閎門廡整肅綜理其事者教諭朱君士楷訓導劉君暘及邑士紳耆等實有勞焉夫設學之義昔賢論之詳矣茲邑地僻民勤風俗淳樸而士氣不揚者何也無乃因仍故習質美而未學者眾與聖人之教莫先於文而我朝以經義取士蓋將使之沉潛經訓代聖賢以立言是固非多讀書而勤爲之者不能工也蘇文忠公述其鄉先輩得書之難而深惜夫今之學者有書而不讀茲邑之士揖讓乎泮宮喟然而深思其繇此而務學也哉夫博覽爲格物之資而明理乃躬行之路異日者蘊之深厚而發之光明其必自讀書始矣

先師廟楊志明崇禎丁丑廟宮圯鄉賓史大典鬻產修建

廣德州志

卷十

學校

縣志明末毀於兵

國朝順治六年大典姪孫生員史象先捐修康熙四年知縣李景燦修戟門及櫺星門十七年知縣張顧行重修文廟二十四年恭懸

御書萬世師表匾額於大成殿三十八年知縣茅成鳳重修雍正元年恭懸

御書生民未有匾額於大成殿八年櫺星門圯知縣衛廷璞重修縣申稿乾隆三年恭懸

御書與天地參匾額於大成殿九年知縣韓履曾倡修殿

宇門廡未竟而去十一年知縣白福十四年知縣貢震相繼成之貢自撰記附後三十四年知縣王惟一重修其泮池舊係義士岑紹芳捐濬於櫺星門外四十五年改建照牆填塞重開於戟門外紹芳裔孫生員玉成伊生高生允超等捐砌教諭陳鏞撰記四十五年又募建泮橋三而廟前規制始備以上胡志

道光五年知縣王仲澍重建大成坊並立左右二坊改泮池以闢青雲路卽以城池爲泮對岸建塔爲文筆峯規模一新咸豐十年燬於兵新通志同治七年由縣給貲

廣德州志

卷十

學校

二十二

邑紳夏尙忠潘仲煥等具領重建

崇聖祠明倫堂新纂

同治二年冬庠生王向榮稟請 督憲曾給發撫卹銀貳千兩三年春邑令周錫堡查此項銀兩因銀寡人眾分散微末稟商駐防鈞字營鹽運使李榕札藍翎從九孫天錫持銀赴江北購買牛種分給鄉民開墾其銀仿照勸農局章程八折三年分還畱辦地方善後之用四年奉 督憲曾發給湘平銀叁千兩委員朱應坊洪少卿赴建設勸農局給散牛種五年復

奉 督憲李發給湘平銀貳千兩由勸農局買牛種  
照章給散逐年收放支銷至同治七年折存湘平銀  
壹千陸百玖拾捌兩捌錢玖分柒釐叁毫同未繳戊  
辰己巳民欠湘平銀壹千壹百捌拾玖兩捌錢肆分  
貳釐陸毫委員朱應坊移縣接收後由縣繳董事夏  
尚忠潘仲煥具領並撫卹折存銀一併繳領造 崇  
聖宮明倫堂 光緒四年戴名賢等稟請 督撫藩  
憲批准分撥公田收租變價重建學宮 新纂

禮器楊志列爵簋簋鉶象尊犧尊酒尊大香爐大花瓶

廣德州志

卷十

學校

二十三

小香爐

以上俱  
銅器

鐵香爐花瓶銅鑼火盆銅盆銅磬銅鍋

竹籩木豆滿堂紅等件縣志稱自明季兵燹悉爲灰燼

康熙三十八年知縣茅成鳳教諭劉震補置後又什不  
得一雍正九年知縣衛廷璞捐置帛筐白瓷爵銅爵酒  
罇登鉶簋簋籩豆各如制

樂器縣志舊無樂器雍正九年知縣衛廷璞捐置編鐘

編磬祝敔建鼓拊鼓琴瑟簫笙鳳簫橫笛壎篪翟籥麾

引節

崇聖祠在 文廟東北天啟四年教諭鄧京建

忠義孝弟祠縣志在 文廟西雍正六年知縣衛廷璞奉

文建案縣祀姚恕以下十五人

名宦祠在戟門左

神位

施德懋

宋理宗時知縣事

趙時踐

宋德祐年攝縣事殉難

魯鐸

明永樂年知縣事

黎貫

明正德年教諭

張嗣誠

明萬曆年知本州事

張顧行

國朝康熙年任知縣

案以上六人皆官於廣建者事詳宦績縣志稱從前

設有木主尚有周起元范承勳陳鵬年李鈞劉果張

廣德州志

卷十

學校

二十四

泰交張元臣余正健皆總督巡撫提學等官祀於各

學名宦祠者也

鄉賢祠在戟門右

神位

吳應龍

宋嘉定進士詳名臣

章汝鈞

宋淳祐進士詳名臣

孫昇

明永樂進士詳名臣

謝士貞

明永樂間任本學訓導詳儒碩

呂盛

明宏治進士詳名臣

趙參軍祠在忠義孝弟祠之北祀宋廣德司戶參軍攝縣

事趙時踐縣申稿祠舊在東門外儒學之西明成化辛

卯知州周瑛知縣康文建嘉靖時學內徙而祠遂廢

國朝乾隆十七年知縣貢震重建於此貢有記 五十五年

生員宗雨田募修邑令周作淵捐置祠田

周瑛趙參軍祠記人之所愛莫如身尤莫如家乃宋趙

公時踐以廣德司戶攝建平縣事德祐元年兵南下城

破赴前溪死其男女妻妾童僕凡八人俱從赴溪死焉

嗚呼是所謂臣以君死子以父死妻以夫死故甘心使

家無噍類者與宋社既屋名用弗彰後二百年為成化

辛卯莆田周瑛知廣德州延訪故老漫無記憶今年夏

讀志書見繆起所為死節傳因公非所知縣文曰聖王

之制祭祀以死勤事則祀之趙公非所當祀者乎文曰

唯退即學宮擇地於西址築宮方丈六月乙酉遷主其

中瑛率官屬以弔以妥禮成告於官屬曰人生皆有死

當死而不死雖生無益也使為臣者學趙公可無賣主

為子女者學趙公之子女可使無賣父為妻妾者學趙公

廣德州志

卷十

學校

之妻妾可無賣夫為童僕者學趙公之童僕可無賣主

不然生也奚為文曰是祠之作大有關於世教不有述

何以示來世因為論敘其事俾刻諸石以告守土諸君

子貢震重建趙參軍祠記宋季趙公之死節在帝羃

德祐元年同時縲起為作傳明成化間縣令康君始

建祠於學宮之西知州周君有碑記時學宮在縣東門

之外嘉靖中學宮遷於南門內而祠遂廢乃奉木主入

名宦祠縣令連君刻傳於石余惟趙公之高義宜有專

祠乃與學博朱君劉君度地於忠孝祠之北構堂三間

改題木主而配享以同時家屬死義者嗚呼士不幸而

以節見慷慨之與從之公既死於疆而一也禮不云乎

謀人之邦邑危則亡之公既死於疆而一也禮不云乎

父妻死其夫僕死其主於是乎前溪渺渺遂與湘沅相

流嗚呼豈非勇於赴義而全歸者與自公之沒二百年

而後有祠不百年而廢又二百餘年而後祠始建在

學宮之西而今祠仍在大成殿之右意祠之興廢亦自

有時而趙公之名固宜不朽

與先聖宮牆並垂不朽

觀瀾亭明天啟中教諭鄧京建楊志今祀教諭鄧京張陽

豫於內案楊志此處作張豫陽而職官志中作張陽豫查縣志及李志亦俱作陽豫今據改

文昌祠在泮池左縣志雍正七年知縣衛廷璞教諭王家

相訓導蕭士瑛建

魁星樓楊志在明倫堂東南今廢

土地祠楊志明倫堂大門右為土地祠左為省牲所

文昌閣楊志舊學基在東城外面河負墩明崇禎元年學

正鄧京丈量而為之記康熙壬寅知縣柏肯堂於其東

偏建文昌閣

廣德州志

卷十

學校

二十六

國朝柏肯堂文昌閣記建邑舊學即今之甘露菴前明因水圯而遷於城其舊址為佛寺以建之大勢而論此地屬巽則文筆峯宜高宜敞因於菴東建高臺重樓用以鎮控東南之氣位文昌及魁星於上其下為諸文士課業之所計三月興工十二月告竣樓三重高四丈五尺周廣相稱飛簷層欄巍然巨觀矣予固樂觀厥成諸文士亦當勉乎哉門志

明倫堂縣志在文廟東雍正六年堂及前門俱圯知縣

衛廷璞教諭王家相訓導蕭士瑛重修縣申稿乾隆四

十七年又圯生員岑大鵬錫穗玉成鳴臯廷揚濟舟聚

五鈞贊等率族眾捐銀貳千餘兩重建

尊經閣楊志址在文廟西未建

案郎學書籍楊志列十七種縣志所列同而稱前代兵燹寸紙蕩然且尊經閣尚未建實無藏貯之所縣申稿稱舊志所列空名而已自奉頒經史各書例入交代冊始實有存貯之書而其書目均與州同故不復載

教諭署楊志在 文廟西縣志康熙三十七年教諭劉震重修

訓導署縣志原有二今圯其一建平存稿一在教諭衙西

一在明倫堂東案明倫堂東今訓導現居之署也其署左餘地康熙年間借建把總署又其東

廣德州志

卷十

學校

二十七

南有趙祠乃知縣貢震因學基原為趙氏祖塋地允以餘地聽其子孫建祠於此

聚奎書院縣志明天啟間學正鄧京建康熙十二年知縣高自遠修今為義學

郎川書院在北街縣申稿乾隆十七年知縣貢震葺縣東陳公故祠為之三十五年知縣王惟一拓地重修四十六年知縣周作淵因其湫隘與城北育嬰堂互易即今書院也以上胡志道光五年知縣王仲澍倡捐改建城南復名曰聚奎講堂號舍齋廚畢備咸豐十年燬於兵新通志

光緒四年邑紳戴名賢等稟請 撫憲提撥公田叁千

畝永遠收租爲重建書院經費批准在案新纂

義學楊志樓三間在開法寺大殿後知縣柏肯堂建縣申稿康熙六年燬於火

社學萬厯志東社學在叢桂坊西社學在善政坊案楊門李志及縣志均不載所在則已久無可考矣

學塘楊志在饌堂西北約四畝許

學田縣志載現存田壹百柒拾叁畝零地叁畝玖分山伍拾肆畝又云舊志載山田塘地共叁百叁拾餘畝以今較昔已多所湮沒矣縣申稿乾隆二十八年奉各憲批

廣德州志

卷十

學校

二十八

發禪墩菴犯僧充公田壹百拾玖畝地叁畝收租完糧外餘爲修葺之資

書院田楊志開法寺義學知縣柏肯堂設有膳田拾陸畝

縣申稿知縣貢震歸入書院又歷年公捐及貢令周令

作淵畢令所擾入田壹百叁拾叁畝陸分地柒畝伍分

山拾捌畝市房伍間取租完糧餘供膏火

以上胡志案建平自咸豐末被兵後惟崇聖祠明倫堂已建餘俱被燬未復

學額

廣德州學額進二十六名原額二十五年同廩生增生各

三十名三年兩貢 武學額進十六名原額十五年同

名

建平縣學額進二十名係原額廩生增生各二十名二年一

貢 武學額進十二名

謹案

欽定學政全書雍正二年奉

旨題准安徽所屬之廣德州懷甯桐城宣城涇鳳陽五縣

廣德州志

卷十

學校

二十九

照府學額各取進童生二十五名是廣德學額定於

雍正二年

嘉慶元年奉

恩詔廣額七名 建平廣額五名

嘉慶四年奉

恩詔廣額七名 建平廣額五名

嘉慶二十五年奉

恩詔廣額七名 建平廣額五名

道光元年奉

恩詔廣額七名 建平廣額五名

咸豐三年奉

恩詔廣額七名 建平廣額五名

同治元年奉

恩詔廣額七名 建平廣額五名

同治四年奉

恩詔廣額一名 建平廣額一名

光緒元年奉

恩詔廣額七名 建平廣額五名

廣德州志

卷十

學校

三十

以上新通志參裕志

光緒元年巡撫裕據廣德知州文翰詳請墾荒客民入籍

與考奏准在案

詳見表疏

光緒四年巡撫裕據建平縣知縣湯鼎烜詳請墾荒客民

照廣德州例入籍與考奏准在案

詳見表疏

以上新纂